

Condolianzes



Gejù à dit: „Chi co crèi te mè, vir inçe sce ai mör!“

La comunité tol comié da
HILDA ERARDI WILLEIT

morta al'eté de 90 agn.

Ai familiars ti va les condolianzes plü sontides.

Che Hilda pòi palsé tla pêsc de Dio!

Enformaziuns y comunicaziuns

Preparaziun al Bato: La Uniun dles Ėres enviëia i geniturs co à ciafé o ciafa na picia creatöra, adöm al tot/tota, ala Preparaziun al Bato, co sarà en sabeda ai 19 de mà ales 15.00, te salf de calogna d'Al Plan. Referënt è Erich Frenademetz. Al vën inçe pitè le sorvisc da ciaré dō mituns. S'anunzié pa Annamaria de Lex al nr. 0474/501286 o 334/6102551.

Ministronc: En Lönesc de Pasca de Mà, ai 28 de mà, junse a Gardaland. I piun ia ales 6:30 da doman te plaza de scora y i roarun zoruch encër les 21:00. Prenotesse pa Carlo Suani al 348/6290572. I ëis ciámó tomp cina ai 16 de mà.

Laé la dlijia: En dédemesaledema ai 16 de mà dales 8 ennant è i geniturs dai comunicandi y inçe i atri periès da gni a daidé laé la dlijia por la Pröma Santa Comegnun. Da se tó èl en chibl, bordun, jafa da funz y en busc. Al vën inçe perié sce val' ëi sciafia da gni a daidé.

Sorvisc Sozial: En dédölönesc ai 15 de mà ales 3 dōmisdé èl ete dal raiun sozial ta Picolin na encuntada con le neurologh dr. Gregorio Rungger y la logopedista dr. Claudia Canins, co baiará de bot al ée y trauma al ée. Enformaziuns pòn ciafé al 0474/524506.

Isté por mituns: Por l'Isté Deboriada 2012 èl tlò Al Plan ciámó posé lèdi. Chi co è enteressês, è periès da cherdé sō te Sorvisc ai Jogn al 0474/523070, tal orar d'ofize.

Oraziun de Taizé: En vëndres ai 18 de mà ales 8 da sèra èl tla capela da Oies na oraziun de Taizé, forma particolare olache al vën ciánté, perié y medité. Düc è bel enviès.

SC Mareo: En lönesc ai 14 de mà ales 8 da sèra èl te salf dla Raiffeisen la reuniun generala dal Sport Club Mareo. Düc è dër bel enviès.

Comun: Le sorvisc de cunciarodes mobil storj pro a Al Plan, en jöbia ai 17 de mà dales 10 ales 14.30 ia dal magazinn dai stödafüs. Al gnarà cuncé rodes debann.

Teater: Düc è enviès ales raprezentaziuns de Forumtheater. Al vën joblené plü scenes dui iadi. Le pröm iade èl le publich co ciara pro, le secundo iade pòl architè i jobleri y ti fà proposes cō che ai dess s'astelé por che la scena vài fora atramont. Tlò Al Plan è le teater en jöbia ai 17 de mà ales 20.30, tal salf dla Raika. Entrada: spënor de bona man.



Ploania
d'Al Plan
de Mareo

La plata de Ploania

E-Mail: ploaniaalplan@gmail.com - Radio: 93,00 MHz

6. Dom. de Pasca - Festa dla Oma, ann B, ai 13.05.12 - nr. 25

Dal Vagnele dô San Jan, 15, 9-17

„Orésse bun önn con l'ater desche iu s'à orü bun. Al n'è nia en maiü amur, co sce önn dà ca sōa vita por sù amisc. Os sëis mi amisc, sc'i fajëis ci ch'i se dà sō.“

En Dio dal amur

Nosc Dio è en Dio dal amur, y Gejù so Fì nes dij te cōsc Vagnele dër tler: Orésse bun! Düc i atri comandamōc è lëite te cōsc "Oresse bun, desche iu s'à orü bun" y al se vën empormotü che la ligrëza sarà spo te nos.

"Oresse bun önn con l'ater" - al sona tan saori y è empò gonot tan rio. Mio ijin mo dessëna, zacai mo fej en tort, tai media àldun baienn de fan, jont copada, veres. Y iu dess ciámó orëi bun?

Cō poi pa ti orëi bun ai atri? Empröma mëssi proé da m'orëi bun a me enstës, con mi talënc, fai y mies deblëzes, spo poi empormó ti jì pomez ai atri y i tó sō con amur. Gejù dij che co è sù amisc. I ne sun nia fané co mëss olghé a comandì, mo i sun lèdi da tó nostes dezijiuns, y porchël inçe responsabli de ci che i fajun, inçe tai raporé con i atri.

"Oresse bun önn con l'ater" - sc'i fössun bogh da fà cōsc, ne fössel sön cōsc monn nia dolor, patimont, veres. Degün ne messass pati por so corü dla pel, so ester "atramonter". Enlò se sontissun responsabli por le bën dai atri y se comportassun inçe aladō. Gejù à vit dant cōsc y al è por èl emportant, che i ti junse dō a so ejompl. Sce i orun ester sù compagns, messunse se proé da vire cōsc comandamont dal amur. (Gertraud Haberler)



Pan dla Vita

*Gejù, Tō Pan de mia vita:
pasciontëia mia fan
y mio encorsciomun dô Te.*

*Gejù, Tō Pan de mia vita:
pasciontëiemo con Töes
Parores, co è spirit y vita.*

*Gejù, Tō Pan de mia vita:
sideste la manna te mio
desert, co mo dà forza
y mo mostra le tru.*

*Gejù, Tō Pan de mia vita:
damo döt, ci ch'i adori encö
por vire.*

*Gejù, Tō pan de mia vita:
fej fora de me na somonza
de To amur
co crësc y porta früt
por les porsones.*

(Ute Weiner)





13.05 - 6. Domëgna de Pasca - Festa dla Oma

Oferta por le KVV

6.00: Mëssadora ia La Pli

9.30: Corona por les Omes y les Families

10.00: S. Mëssa por dōta la Ploania, por Omes y Families
por +nc de Guido y Margareth Clara

Lönesc 14.05 - Feria dla 6a edema de Pasca: Pasquale, Christian, Bonifaz

7.25: S. Mëssa dal ann por +nta Maria Frontull Taibon
por +nc dal Osti, por les Püres Animes

17.00: Funziun de mà

Dédölönesc 15.05 - Feria dla 6a edema de Pasca: Sofia, Rupert, Sonia, Ijidor

17.00: Funziun de mà

Dédemesaledema 16.05 - Memoria de San Jan Nepomuk

18.00: S. Mëssa dal ann por +nt Michele Terza
por +nt Franz Erlacher dal Stofl
de rengraziamont por 25 agn de matrimone

DIS DLES CRUSC

Jöbia 17.05 - Feria dla 6a edema de Pasca: Ivan, Walter

19.30: Prozesciun encër la taela

Dedô: S. Mëssa ad intenziun y rengraziamont
por +nta Rita Kaneider nasc. Rungger
por +nta Burgele Rindler de Berto

Vëndres 18.05 - Feria dla 6a edema de Pasca: Erich, Felix, Burkhard

19.30: Prozesciun encër la taela

Dedô: S. Mëssa por +nc de Candido
por +nt Ferdinand Obwegs dal Maier
por +nta Veneranda Piazza Rindler
3. *Requiem por +nta Hilda Erardi Willeit*

Sabeda 19.05 - Sancta Maria in Sabato: Cuno, Ivo, Pire, Zelestin, Crispin

7.30: Prozesciun ia La Pli y dedô S. Mëssa ad onù de Santa Maria

13.00: Noza de Christian Rindler y Marlies Unterberger

17.00: Poscibilitè da se pissié

18.00: S. Mëssa por +nc dles fam. Taibon y Talmon
por +nc Mariangel y Angelina Frenademez
por fam. Iaco y Traudl Comploi



Oferta por la Ploania

20.05 - Palsacrusc - Pröma Santa Comegnun

6.00: Mëssadora ia La Pli

9.30: Ingres dai Comunicandi y geniturs te dljia

10.00: S. Mëssa por les families dai Comunicandi
ad onù y rengr. de Santa Maria y Agni Custodi

Iolan de cör a dōtes les Omes

„Weil Gott nicht überall sein kann, schuf er die Mütter“, sagt eine Redensart, die die hohe Bedeutung der Mütter für jeden einzelnen Menschen und die Gemeinschaft unterstreicht. Ein Tag im Jahr ist viel zu wenig, um dafür zu danken. Denn, schreibt der französische Philosoph Albert Camus: „Die Mutter ist die erste Quelle der Liebe.“ Liebe, die wir erfahren und durch die wir lernen, selbst zu lieben. Danke dafür! Jeden Tag!



Aodanzas



La comunité ti fej les mius aodanzas ai nüc
Marlies Unterberger y Christian Rindler
co se marida en sabeda ai 19 de mà.
Che la benedisciun de Dio i accompagnëii
sön so tru de vita deboriada.

Sorvisc dai Ministroné

Domëgna 13.05 - 10.00: Filippo y Rebecca Kastlunger, Florian Palfrader, Max Palfrader, Kevin y Mark Kastlunger, Catarina Frenner y Viktoria Frontull; **Lönesc (7:25), Dédemesaledema (18:00):** Anna Chierchia, Maria Huber; **OCIO: Jöbia y Vëndres ales 19:30:** Simon y Andrea Obwegs, Alex Rubatscher, Karen y Lisa Ties, Sara Fontanella; **Sabeda 18:00:** Anita Castlunger, Esther Comploi, Simone Crusafio, Alice y Luca Daverda, Martina Kaneider; **Domëgna 20.05 - 9:30:** Aron, Asia y Mara Rungger, Maira Call, Samuel Castlunger, Emilie y Richard Comploi, Melanie Ties.

